

Hysbysiad Prosesu Teg – Gwasanaeth Enwi a Rhifo Strydoedd

1. Pam rydym ni'n casglu ac yn cadw'ch gwybodaeth bersonol?

Rydym yn casglu ac yn defnyddio'ch gwybodaeth bersonol fel y gallwn gyflawni tasg enwi a rhifo eiddo a strydoedd.

Mae eich data yn cael ei brosesu:

- Oherwydd bod dyletswydd gyfreithiol arnom i wneud hynny
- Oherwydd bod angen gwneud hynny er mwyn cyflawni'r dasg hon

2. Sut mae'r wybodaeth amdanoch yn cael ei defnyddio.

Bydd y wybodaeth a rowch yn cael ei phrosesu yn unol â Rheoliadau Diogelu Data Cyffredinol 2016, Deddf Cymalau Gwellu Trefi 1847 (Darpariaethau Enwi a Rhifo Strydoedd), Deddf Diwygio Deddfau Iechyd y Cyhoedd 1907 – Adran 21 a Deddf Iechyd y Cyhoedd 1925 – Adrannau 17 i 19.

Mae gennym ddyletswydd i amddiffyn yr arian cyhoeddus rydym ni'n ei weinyddu a byddwn yn defnyddio'r wybodaeth a rowch ar y ffurflen hon i ddarganfod ac atal twyll. Byddwn yn croesgyfeirio'r wybodaeth ag adrannau eraill Cyngor Sir Penfro a Chynghorau eraill, y Post Brenhinol, Dŵr Cymru, Wales and West Utilities, BT, yr Arolwg Ordnans a Western Power.

Hefyd, byddwn yn gwneud unrhyw ddatgeliadau sy'n ofynnol yn ôl y gyfraith a gallem hefyd rannu'r wybodaeth hon â chyrrff eraill sy'n gyfrifol am ddarganfod/atal twyll neu archwilio/gweinyddu arian cyhoeddus i sicrhau bod arian yn cael ei dargedu a'i wario yn y ffordd fwyaf priodol a chost-effeithiol. Er mwyn cyflawni hyn, gallai gwybodaeth gael ei rhannu gydag adrannau mewnol eraill yng Nghyngor Sir Penfro a chydag Archwilydd Cyffredinol Cymru.

Ni fyddwn yn gwneud unrhyw ddatgeliadau i drydydd partïon at ddibenion marchnata

Cedwir eich data yn ddiogel ac yn gyfrinachol bob amser a byddwn yn casglu'r wybodaeth bersonol honno yn unig y mae ei hangen i asesu'ch hawl i'r gwasanaeth enwi a rhifo strydoedd.

3. Am ba hyd rydym ni'n cadw'ch gwybodaeth?

Byddwn yn cadw'r wybodaeth a rowch i ni am 7 mlynedd o'r dyddiad cwblhau a chaiff eich gwybodaeth ei gwaredu'n ddiogel pan na fydd ei hangen mwyach

4. Mynediad at fy ngwybodaeth bersonol?

Gallwch gael gwybod p'un ai a ydym yn dal unrhyw wybodaeth bersonol amdanoch chi trwy wneud cais gwrthrych am wybodaeth o dan Reoliadau Diogelu Data Cyffredinol 2016. I wneud cais am unrhyw wybodaeth bersonol gallem ni fod yn ei dal amdanoch, bydd angen i chi wneud eich cais yn ysgrifenedig, a'i gyfeirio at:

Tîm Mynediad at Gofnodion

Cyngor Sir Penfro
Neuadd y Sir
Hwlfordd
SA61 1TP

5. Eich Hawliau.

O dan Reoliadau Diogelu Data Cyffredinol 2016, fel unigolyn, mae gennych hawliau y gallwch chi eu harfer yn gysylltiedig â'r wybodaeth rydym ni'n ei dal amdanoch:

- Hawl **mynediad** – mae gennych hawl i wneud cais am fynediad at wybodaeth rydym ni'n ei dal amdanoch, a chael copi ohoni
- Hawl **cywiro** – mae gennych hawl i ofyn bod eich gwybodaeth yn cael ei chywiro.
- Gallai'r hawl i **gyfyngu** ar brosesu fod yn berthnasol – cewch ofyn ein bod ni'n rhoi'r gorau i brosesu eich data personol, fodd bynnag gallai hyn achosi oedi wrth i ni ddarparu gwasanaeth i chi, neu ein hatal rhag darparu gwasanaeth i chi. Ceisiwn gydymffurfio â'ch cais, ond gallai fod angen i ni ddal neu brosesu gwybodaeth i gydymffurfio â'n dyletswyddau cyfreithiol.
- Hawl **gwrthwynebu** - nid yw hwn yn hawl absoliwt a bydd yn dibynnu ar y rheswm dros brosesu eich gwybodaeth bersonol.
- Hawl i **beidio â bod yn destun penderfyniadau a phroffilio awtomataidd**

6. Cwynion neu Ymholiadau.

Mae Cyngor Sir Penfro yn ymdrechu i gyrraedd y safonau uchaf wrth gasglu a defnyddio gwybodaeth bersonol. Am y rheswm hwn, rydym yn cymryd unrhyw gŵynion a gawn am y mater hwn o ddifrif. Os bydd pobl o'r farn bod casglu neu ddefnyddio gwybodaeth gennym yn annheg, yn gamarweiniol neu'n amhriodol, rydym yn eu hannog i ddwyn hyn i'n sylw ni.

Nid yw'r hysbysiad preifatrwydd hwn yn darparu manylion cyflawn am bob agwedd ar gasglu a defnyddio gwybodaeth bersonol gennym. Fodd bynnag, byddem yn hapus i ddarparu unrhyw wybodaeth neu esboniad ychwanegol y mae ei angen. Anfonwch unrhyw geisiadau am hyn at y cyfeiriad isod:

Jo Hendy, Swyddog Diogelu Data
Cyngor Sir Penfro
Neuadd y Sir
Hwlfordd
SA61 1TP

E-bost: dataprotection@pembrokeshire.gov.uk
Ffôn: 01437 764551

Os hoffech gwyno am y ffordd rydym ni wedi prosesu eich gwybodaeth bersonol, gallwch gysylltu â Swyddfa'r Comisiynydd Gwybodaeth, sef y corff statudol sy'n goruchwyllo cyfreithiau diogelu data:

Information Commissioner's Office
Wycliffe House
Water Lane
Wilmslow
SK9 5AF
E-bost casework@ico.org.uk Rhif Ffôn: 0303 123 1113 / 016 2554 5297 (Cymraeg)

7. Newidiadau i'r hysbysiad preifatrwydd hwn.

Rydym yn adolygu'n hysbysiad preifatrwydd yn rheolaidd.